

冠縣志卷之四

學校志

釋奠釋菜古有學而未有廟也唐宋以後有廟有明始令郡縣徧置而學校遂爲人材所自出至書院社學猶古者黨之有庠州之有序皆以佐學之所不逮者也志學校

學宮

文廟在縣治東金貞元間知縣魯仔建元至元七年知州趙文輝重修有元好問代諸生黃逸民記燬於

卷之四

一

兵明天順間邑人張方建櫺星門成化間知縣甘澤拓廟前地修門坊嘉靖辛丑知縣姚本重修萬歷庚子知縣王照增修知縣談自省捐貲置祭器清康熙間知縣錢霞重修知縣侯度增修知縣虞際昌重修牌房四十八年知縣毛覲文重修乾隆二年知縣何澧重修邑人郭柯拓廟前地南抵萬代師程坊增泮池一嘉慶二十一年署知縣程應庚釀金改修復自萬代師程坊縮而北減泮池還舊基廟前仍爲隙地道光十年知縣梁永康教諭侯于魯訓導王伊濯典

史張世佑重修崇聖祠大成殿角東廡大成門并諸祠同治六年知縣孫善述重修光緒十九年知縣何式箴集資重修正殿兩廡戟門櫺星門東西牌樓及祭器庫庠門夾道泮池圍牆杜塞正陽門添築照壁壁上刻書宮牆萬仞四大字臨街照壁移北丈餘民國二十一年縣長侯光陸會同教育局局長崔克勳改建師範講習所大興土木拆卸戟門改建爲該所講堂兩廡改爲學生住舍道冠古今德配天地兩坊取消櫺星門拆除祭器庫改爲民衆閱報所庠門泮

卷之四

二

池今存

崇聖祠在大成殿東北清道光十年知縣梁永康重修光緒十九年知縣何式箴集資重修今存移作別用名宦祠在戟門西清道光十年知縣梁永康重修光緒十九年知縣何式箴集資重修民國二十一年改作師範講習所教員住室

唐李樓筠宋李載鄭僅金	唐李樓筠宋李載鄭僅金	唐李樓筠宋李載鄭僅金	唐李樓筠宋李載鄭僅金	唐李樓筠宋李載鄭僅金	唐李樓筠宋李載鄭僅金
魯李樓筠宋李載鄭僅金	魯李樓筠宋李載鄭僅金	魯李樓筠宋李載鄭僅金	魯李樓筠宋李載鄭僅金	魯李樓筠宋李載鄭僅金	魯李樓筠宋李載鄭僅金
唐李樓筠宋李載鄭僅金	唐李樓筠宋李載鄭僅金	唐李樓筠宋李載鄭僅金	唐李樓筠宋李載鄭僅金	唐李樓筠宋李載鄭僅金	唐李樓筠宋李載鄭僅金

明甘華李興邵繼成倪炎李朝會王潤姚木劉莊  
馮嘉會王照談自省山永俊清張尙賢彭文煒錢  
霞侯度計二十三人李文耕梁永康李咸中彭翊  
韓光鼎曹榕何式箴丁兆德計續入八人

鄉賢祠在名宦祠後清道光十年知縣梁永康重修

光緒十九年知縣何式箴集資重修民國二十一年

改作師範講習所教員住室

北齊路去病明王瑛盧慎錢濟周正程端郭鼎

杜華先錢楷錢允燦趙克念趙光遠曹崇樸曹昕胡士棟杜重光計十六人自清道光十年迄今鄉

賢失考

忠義孝弟祠在大成門外清道光十年知縣梁永康

重修光緒十九年知縣何式箴集資重修民國二十

一年改作師範講習所教員住室

北魏王榮世元樊楫明陳勉許通吳

山戴賢曹坤申一琴申一攀朱喜祿劉士秀顧良劉思臣丁爾常丁聖潤周岩于思賢自清道光十

年迄今忠義

孝弟失考

卷之四

節孝祠在儒學東後移建於忠義孝弟祠前清道光

十年知縣梁永康重修光緒十九年知縣何式箴集

資重修民國二十一年拆除其屋材移作別用

遺愛祠在清泉書院治公堂西偏清光緒七年知縣

韓光鼎建二十九年書院改爲學堂是祠移建於禮

堂西作教員住室

李文耕梁永康李咸中彭翊計四人

按名宦鄉賢忠義孝弟經詳請題准入祠奉祀者

無卷可稽茲就祠內木主開列或此外尚有遺漏

抑或其中不免後人臆入者姑載之以備考查

舊志

按名宦鄉賢忠義孝弟節孝諸祠自何公重修後  
後人未能繼緒先哲踵行修葺風雨摧殘漸即荒  
圯迨改建民國國體變更此項祀典幾等弁髦祠  
內木主亦散佚殆盡訪芳躅於疇昔馨香姓字父  
老未有能道及者高山仰止空谷足音略而不書  
於其所不知蓋闕如也

明倫堂在大成殿後清光緒十九年知縣何式箴重  
修今存

博文約禮二齋在明倫堂東西今廢

#### 卷之四

#### 四

敬一亭在明倫堂後今廢

教諭宅在敬一亭東民國初元改作實業局十七年  
改建設局現爲縣政府第四科辦公處

訓導宅在教諭宅東一在敬一亭西今廢現移文昌

閣東舊志自訓導裁撤後改作巡警局民國十一年改

作女學堂十七年改作教育局現爲縣政府第五科  
辦公處

文昌閣在文廟東隅建自何年無考清道光九年知  
縣梁永康重修同治六年知縣孫善述重修光緒十

九年知縣何式箴又修葺一次閣現存民國十八年神像毀除

魁星樓明萬歷間邑令王照創建邑令談自省移建城東南隅聚奎書院收駿臺上臺廢康熙十六年改建城上五十年邑令毛覲文重修乾隆間邑紳捐資修葺道光九年邑令梁永康復修同治六年知縣孫善述自城上移建於庠門前光緒十九年知縣何式箴又改建於文昌閣東民國十八年毀魁星像樓存清欽定學校規條

卷之四

五

順治九年題准刊立卧碑置於明倫堂之左曉示生員文

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有教條開列於後

一生員之家父母賢智者子當受教父母愚魯或有非爲者子既讀書明理當再三懇告使父母不陷於危亡

一生員立志當學爲忠臣清官書史所載忠清事蹟  
務須互相講究凡利國愛民之事更宜留心

一生員居心忠厚正直讀書方有實用出仕必作良  
吏若心術邪刻讀書必無成就爲官必取禍患行  
害人之事者往往自殺其身常宜思省

一生員不可干求官長交結勢要希圖進身若果心  
善德全上天知之必加以福

一生員當愛身忍性凡有司官衙門不可輕入即有  
切己之事只許家人代告不許干與他人詞訟他

卷之四

六

人亦不許牽連生員作證

一爲學當尊敬先生若講說皆須誠心聽受如有未  
明從容再問毋妄行辨難爲師亦當盡心教訓勿  
致怠惰

一軍民一切利病不許生員上書陳言如有一言建  
白以違制論黜革治罪

一生員不許糾黨多人立盟結社把持官府武斷鄉  
曲所作文字不許妄行刊刻違者聽提調官治罪

清康熙四十一年御製訓飭士子文

國家建立學校原以興行教化作育人材典至渥也  
朕臨御以來隆重師儒加意庠序近復慎簡學使  
釐剔弊端務期風教修明賢才蔚起庶幾棧樸作  
人之意乃比年士習末端儒效罕著雖由內外臣  
工奉行未能盡善亦由爾諸生積錮已久猝難改  
易之故也茲特親製訓言再加警飭爾諸生其敬  
聽之從來學者先立品行次及文學學術事功原  
委有敘爾諸生幼聞庭訓長立宮牆朝夕誦讀寤  
無究心必也躬修實踐砥礪廉隅敦孝順以事親

卷之四

七

秉忠貞以立志窮經考業勿雜荒誕之談取友親  
師悉化驕盈之氣文章歸於醇雅毋事浮華軌度  
式於規繩最防蕩軼子衿佻自昔所譏苟行止  
有虧雖讀書何益若夫宅心勿淑行已多愆或蜚  
語流言脅制官府或隱糧包訟出入公門或唆撥  
奸猾欺孤凌弱或招呼朋類結社要盟乃如之人  
名教不容鄉黨弗齒縱幸脫褫扑濫竊章縫返之  
於衷寤無愧乎况夫鄉會科名乃掄才大典關係  
尤鉅士子果有真才實學何患困不逢年顧乃標

榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已作奸犯科則異日敗檢踰閑何所不至又安望其秉公持正爲國家宣猷樹績應後先疏附之選哉朕用嘉惠爾等故不禁反復惓惓頒茲訓言爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮即爾祖父亦增光寵矣逢時得志寧俟他求哉若仍視爲具文玩愒勿儆毀方躍冶暴棄自甘則是爾冥頑無知終不能率教也既負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業弗修咎亦難追勿謂朕言之不預也爾多士尙敬聽之哉

清乾隆五年欽頒太學訓飭士子文

士爲四民之首而太學者教化所先四方於是觀型



焉比者聚生徒而教育之董以師儒舉古人之成  
法規條亦既詳備矣獨是科名聲利之習深入人  
心積重雖返士子所爲汲汲皇皇者惟是之求而  
未嘗有志於聖賢之道不知國家以經義取士使  
多士由聖賢之言體聖賢之心正欲使之爲聖賢  
之徒而豈沾沾焉文藝之末哉朱子遺同安縣諭  
學者云學以爲己今之世父所以詔其子兄所以  
勉其弟師所以教其弟子弟子之所以學舍科舉  
之業則無爲也使古人之學止於如此則凡可以

卷之四

九

得志於科舉斯已爾所以孜孜焉愛日不倦以至  
於死而後已者果何爲而然哉今之士惟不知此  
以爲苟足以應有司之求矣則無事於汲汲爲也  
是以至於惰弛而不知反終身不能有志於學而  
君子以爲非士之罪也使教素明於上而學素講  
於下則士子固將有以用其力而豈有不勉之患  
哉諸君苟能致思於科舉之外而知古人之所以  
爲學則將有欲罷不能者矣觀朱子此言洵古今  
通患夫爲己二字乃入聖之門知爲己則所讀之

書一一有益於身心而日用事物之間存養省察  
闇然自修世俗之紛華靡麗無足動念何患詞章  
聲譽之所能奪志哉况即爲科舉亦無礙於聖賢  
之學朱子云非是科舉累人人累科舉若高見遠  
識之士聖賢之書據吾所見爲文以應之得失置  
之度外雖日日應舉亦不累也居今之世雖孔子  
復生也不免應舉然豈能累孔子也朱子此言即  
是科舉中爲己之學誠能爲己則四書五經皆聖  
賢之精蘊體而行之爲聖賢而有餘不能爲己則

卷之四

十

雖舉經義治事而督課之亦糟粕陳言無裨實用  
浮僞與時文等耳故學者莫先於辦志志於爲己  
者聖賢之徒也志於科名者世俗之陋也國家養  
育人才將用以致君澤民治國平天下而囿於積  
習不能奮然求至於聖賢豈不謬哉朕膺君師之  
任有厚望於諸生適讀朱子書見其言切中士習  
流弊故親切爲諸生言之俾司教者知所以教而  
學者知所以學

清世宗憲皇帝雍正四年十月上諭

國家設學校以儲養人材鄉會廷試拔其尤者而用之即古選士造士之遺意也但士子作文有一日之長短縱使主司公明搜羅豈無遺佚况去取惟憑文藝其人品之高下才能之優絀無由得知每有出羣拔萃之才屢試不售即或晚得一第而年力衰邁不堪爲國家任使朕思各省學政奉命課士黜劣舉優係其專責嗣後學政三年任滿將生員中實在人品端方有猷有爲有守之士大省舉四五人小省二人送部引見朕親加考試酌量擢

卷之四

十一

用現在報滿各學政即遵照薦舉其到任未久者如有所知亦即舉出夫一省而舉數士不可謂無人學政巡歷各府三年之久白與士子相親考文察行不得謂不知但能虛公衡鑑所舉必得其人且風聲所樹凡士子必鼓舞振興力學敦行求爲有用之儒於士習人才大有裨益該學政其各實心奉行毋得苟且塞責如有徇私冒濫等弊必嚴加治罪

清聖祖仁皇帝御製

孔子贊詞立石闕里摹榻頒發直省康熙二十五年  
欽遵立碑大成殿前

序曰蓋自三才建而天地不居其功一中傳而聖人  
代宣其蘊有行道之聖得位以綏猷有明道之聖  
立言以垂憲此正學所以常明人心所以不泯也  
舅稽往緒仰溯前徽堯舜禹湯文武達而在上兼  
君師之寄行道之聖人也孔子不得位窮而在下  
秉刪述之權明道之聖人也行道者勲業著於一  
朝明道者教思周於百世堯舜文武之後不有孔

卷之四

十二

子則學術紛淆仁義湮塞斯道之失傳也久矣後  
之人而欲探二帝三王之心法以爲治國平天下  
之準其奚所取衷焉然則孔子之爲萬古一人也  
審矣朕巡省東國謁祀闕里景仰滋深敬摛筆而  
爲之讚曰

清濁有氣剛柔有質聖人參之人極以立行著習  
察舍道莫由惟皇建極惟后綏猷作君作師垂統  
萬古曰惟堯舜禹湯文武五百餘歲至聖挺生聲  
金振玉集厥大成序書刪詩正禮定樂旣窮象繫

亦嚴筆削上紹往緒下示來型道不終晦秩然大  
經百家紛紜殊塗異趣日月無踰羹牆可晤孔子  
之道惟中與庸此心此理千聖所同孔子之德仁  
義中正秉彝之好根本天性庶幾夙夜勗哉令圖  
溯淵洙泗景躅唐虞載歷庭除式瞻禮器摘毫仰  
贊心焉遐企百世而上以聖爲歸百世而下以聖  
爲師非師夫子惟師於道統天御世惟道爲寶泰  
山巖巖東海泱泱牆高萬仞夫子之堂孰窺其藩  
孰窺其徑道不遠人克念作聖

卷之四

十三

又御製 顏曾思孟四子贊立石太廟摹榻頒發直  
省康熙二十八年欽遵立碑大成殿前

贊顏子曰

聖道早聞天資獨粹約禮博文不遷不貳一善服膺  
萬德來萃能化而齊其樂一致禮樂四代治法兼備  
用舍行藏玉佐之器

贊曾子曰

洙泗之傳魯以得之一貫曰唯聖學在茲明德親民  
止善爲期格致誠正均平以推至德要道百行所基

纂成統緒修明訓辭

贊子思子曰

於穆天命道之大原靜養動察庸德庸言以育萬物  
以贊乾坤九經三重大法是存篤恭慎獨成德之門  
卷之藏密擴之無垠

贊孟子曰

哲人既萎楊墨昌熾子輿闢之曰仁與義性善獨闡  
知言養氣道稱堯舜學屏功利煌煌七篇並垂六藝  
孔學攸傳禹功作配

卷之四

十四

大成殿匾額

清康熙二十四年頒發匾額

萬世師表

雍正四年頒發匾額

生民未有

乾隆三年頒發匾額

與天地參

嘉慶四年頒發匾額

聖集大成

道光元年頒發匾額

聖協時中

咸豐元年頒發匾額

德齊疇載

同治元年頒發匾額

聖神天縱

光緒元年頒發匾額

斯文在茲

宣統三年頒發匾額

中和位育

學田二頃五十五畝

詳田賦

祭儀

續附先賢先儒及禮器樂舞樂器樂章

廟祀

至聖先師以春秋仲月上丁致齋二日祭

前一日眠牲演樂祭之日陳設牲牢祀官偕執事人

咸入就位行三獻禮如儀

舊志

大成殿正位南向

至聖先師孔子

按漢高祖十二年過魯以太牢祀孔子爲帝王尊

卷之四

十五

祀孔子之始後世封號儀制遞加隆重而春秋二

仲釋奠朔日行禮自北齊天保始州縣學以春秋

二仲釋奠自隋開皇始州縣立廟自唐太宗始定

祭期春秋二仲上丁自唐玄宗始又漢平帝追謚

孔子爲褒成宣尼公北魏孝文改文聖隋開皇中

贈先師唐太宗定先聖玄宗加文宣王宋眞宗加

至聖元大德中加大成至聖武宗至大元年詔加

號先聖曰大成至聖文宣王而改大成至聖文宣

王爲至聖先師則自明嘉靖始也清及民國因之

四配東位西向

復聖顏子回 字子淵魯人漢永平十五年祀七十二弟子顏子位第一魏正始七年配唐貞觀稱先師開元稱亞聖唐宋自太子少師太師充公累封至兗國公宋因之元至順元年稱兗國復聖公明景泰三年置博士嘉靖九年改稱復聖清及民國因之

述聖孔子伋

字子思宋大觀二年從祀端平二年

卷之四

十六

升十哲咸淳三年配又宋崇寧中贈沂水侯咸淳中加贈沂國公元稱沂國述聖公明宏治十六年置博士嘉靖九年改稱述聖清及民國因之

四配西位東向

宗聖曾子參

字子輿魯南武城人唐總章元年配

開元八年列像十哲之末宋咸淳三年重配唐宋自太子少保太師郝伯瑕邱侯郝侯武成侯累封至郝國公



元稱邾國宗聖公明嘉靖九年置博士改稱宗聖清及民國因之

亞聖孟子軻  
字子輿鄒人宋元豐七年配封鄒國  
公元稱鄒國亞聖公明景泰三年置  
博士嘉靖九年改稱亞聖清及民國  
因之

十二哲東位西向

先賢閔子損  
字子騫魯人唐開元八年從祀又贈  
費侯宋瑯琊公改費公清康熙三十

卷之四

十七

九年置博士

先賢冉子雍  
字仲弓魯人唐開元八年從祀又贈  
薛侯宋下邳公改薛公清雍正二年  
置博士

先賢端木子賜字子貢衛人唐開元八年從祀又贈  
黎侯宋黎陽公改黎公清康熙三十  
九年置博士

先賢仲子由  
字子路魯卞人唐開元八年從祀又  
贈衛侯宋河南公改衛公明崇禎十

六年置博士

先賢卜子商

字子夏衛人唐貞觀三十一年從祀

開元八年升哲位又贈衛侯宋河東

公改魏公清康熙五十九年置博士

先賢有子若

字子有魯人唐開元八年從祀又贈

卞伯宋平陰侯清雍正二年置博士

十二哲西位東向

先賢冉子耕

字伯牛魯人唐開元八年從祀又贈

鄆侯宋東平公改稱鄆公清雍正二

卷之四

十八

年置博士

先賢宰子予

字子我魯人唐開元八年從祀又贈

齊侯宋臨淄公改齊公

先賢冉子求

字子有魯人唐開元八年從祀又贈

徐侯宋彭城公改徐公

先賢言子偃

字子游吳人唐開元八年從祀又唐

贈吳侯宋丹陽公改吳公清康熙五

十一年置博士

先賢顓孫子師字子張陳人唐開元八年從祀宋咸

淳三年升哲位又唐贈陳伯宋宛邱侯改陳公清康熙五十一年置博士先賢朱子熹字元晦婺源人謚文宋封信國公改徽國元改齊國明景泰六年置建陽博士嘉靖二年置婺源博士宋淳佑元年從祀兩廡崇禎十五年稱先賢列漢唐諸儒上清康熙五十一年升十二哲

東廡先賢

卷之四

十九

先賢公孫僑

字子產鄭人咸豐七年從祀

先賢林放

字子邱魯人石室圖列入弟子內唐

開元二十七年從祀明嘉靖九年改

祀於鄉清雍正二年復祀又唐贈清

河伯宋贈長山侯

先賢原憲

字子思宋人唐開元二十七年從祀

又唐贈原伯宋贈任城侯

先賢南宮适

字子容魯人家語作南宮縚唐開元

二十七年從祀又唐贈郟伯宋贈襲

邱侯改汝陽侯

先賢商瞿

字子木魯人唐開元二十七年從祀

又唐贈蒙伯宋贈須昌侯

先賢漆雕開

字子開蔡人家語作字子若唐開元

二十七年從祀又唐贈滕伯宋贈平

輿侯

先賢司馬耕

字子牛宋人唐開元二十七年從祀

又唐贈向伯宋贈楚邱侯改睢陽侯

先賢梁鱸

字叔魚齊人唐開元二十七年從祀

卷之四

二十

又唐贈趙伯宋贈千乘侯

先賢冉孺

字子魯魯人家語孺作儒唐開元二

十七年從祀又唐贈紀伯宋贈臨沂

侯

先賢伯虔

字子析魯人家語作字子楷唐開元

二十七年從祀又唐贈聊伯宋贈洙

陽侯

先賢冉季

字子產魯人唐開元二十七年從祀

又唐贈東平伯宋贈諸城侯

先賢漆雕徒父字子有魯人家語作漆雕從字子文  
蔡人唐開元二十七年從祀又唐贈  
須句伯宋贈高苑侯

先賢漆雕哆 字子歛魯人家語作漆雕侈唐開元  
二十七年從祀又唐贈武城伯宋贈  
濮陽侯

先賢公西赤 字子華魯人唐開元二十七年從祀  
又唐贈郟伯宋贈鉅野侯

先賢任不齊 字子選楚人唐開元二十七年從祀  
又唐贈任城伯宋贈東陽侯

卷之四

二十一

先賢公良孺 字子正陳人唐開元二十七年從祀  
又唐贈東牟伯宋贈牟平侯

先賢公肩定 字子中魯人家語作公肩字子仲史  
記作公堅定唐開元二十七年從祀  
又唐贈新田伯宋贈梁父侯

先賢鄒單 字子家魯人唐開元二十七年從祀  
又唐贈銅鞮伯宋贈聊城侯

先賢罕黑父 字子索魯人家語作字子黑唐開元

二十七年從祀又唐贈乘邱伯宋贈

祁鄉侯

先賢榮旂

字子旗魯人唐開元二十七年從祀

又唐贈雲婁伯宋贈厭次侯

先賢左人郢

字子行魯人家語作左郢唐開元二

十七年從祀又唐贈臨淄伯宋贈南

華侯

先賢鄭國

字子徒魯人家語作薛邦字子從唐

開元二十七年從祀又唐贈滎陽伯

卷之四

二十二

宋贈胸山侯

先賢原亢

字子籍魯人家語作原桃唐開元二

十七年從祀又唐贈萊蕪伯宋贈樂

平侯

先賢廉潔

字子庸衛人家語作字子曹唐開元

二十七年從祀又唐贈莒父伯宋贈

胙城侯

先賢叔仲會

字子期晉人唐開元二十七年從祀

又唐贈瑕邱伯宋贈博平侯

先賢公西輿如字子上魯人家語作公西輿唐開元

二十七年從祀又唐贈重邱伯宋贈

臨胸侯

先賢邽巽

字子斂魯人家語作邽選唐開元二

十七年從祀又唐贈平陸伯宋贈高

堂侯

先賢陳亢

字子禽陳人唐開元二十七年從祀

又唐贈穎伯宋贈南頓侯

先賢琴張

字子開一名牢字子張衛人唐開元

卷之四

二十三

二十七年從祀又唐贈南陵伯宋贈

須邱侯改陽平侯

先賢步叔乘

字子車齊人廣韻孔子弟子有少叔

乘唐開元二十七年從祀又唐贈淳

于伯宋贈博昌侯

先賢秦非

字子之魯人唐開元二十七年從祀

又唐贈汧陽伯宋贈華侯

先賢顏噲

字子聲魯人唐開元二十七年從祀

又唐贈朱虛侯宋贈濟陰侯

先賢顏何

字子冉魯人家語作字稱唐開元二  
十七年從祀嘉靖九年罷清雍正二  
年復祀又唐贈開陽伯宋贈堂邑侯

先賢縣亶父

字子象魯人清雍正二年從祀

先賢牧皮

清雍正二年從祀

先賢樂正克

孟子門人清雍正二年從祀又宋贈  
郟國侯

先賢萬章

孟子門人宋政和中從祀孟廟清雍  
正二年從祀孔廟又宋贈博興侯

卷之四

二十四

先賢周敦頤

字茂叔宋道州營道人謚元世稱濂  
溪先生封汝南伯淳祐元年從祀元

加道國公明崇禎十五年稱先賢景

泰六年置博士

先賢程顥

字伯淳宋河南人謚純世稱明道先  
生封河南伯咸淳三年從祀元加豫

國公明改先賢崇禎三年置博士

先賢邵雍

字堯夫宋河南人謚康節封新安伯  
咸淳三年從祀明改先賢崇禎三年



置博士

西廡先賢

先賢蘧瑗

字伯玉衛人石室圖列入弟子內唐

開元二十七年從祀明嘉靖九年改

祀於鄉清雍正二年復祀

先賢澹臺滅明字子羽武城人唐開元二十七年從

祀又唐贈江伯宋贈金鄉侯

先賢宓不齊

字子賤魯人唐開元二十七年從祀

又唐贈單伯宋贈單父侯

卷之四

二十五

先賢公冶長

字子長史記作齊人家語作魯人唐

開元二十七年從祀又唐贈莒伯宋

贈高密侯

先賢公皙哀

字季次齊人唐開元二十七年從祀

又唐贈郟伯宋贈北海侯

先賢高柴

字子羔齊人唐開元二十七年從祀

又唐贈共伯宋贈共城侯

先賢樊須

字子遲魯人康成謂齊人唐開元二

十七年從祀又唐贈凡伯宋贈益都

侯

先賢商澤

字子季魯人唐開元二十七年從祀  
又唐贈睢陽伯宋贈鄒平侯

先賢巫馬施

字子旗家語作巫馬期字子期魯人  
唐開元二十七年從祀又唐贈鄆伯  
宋贈東阿侯

先賢顏辛

字子柳魯人唐開元二十七年從祀  
又唐贈蕃伯宋贈陽穀侯

先賢曹邴

字子循蔡人唐開元二十七年從祀  
又唐贈曹伯宋贈上蔡侯

卷之四

二十六

先賢公孫龍

家語作公孫寵字子石康成謂楚人  
唐開元二十七年從祀又唐贈黃伯  
宋贈枝江侯

先賢秦商

字子丕家語作字不慈魯人康成謂  
楚人唐開元二十七年從祀又唐贈  
上洛伯宋贈馮翊侯

先賢顏高

家語作顏刻字子驕魯人唐開元二  
十七年從祀又唐贈琅琊伯宋贈雷

澤侯

先賢壤駟赤

字子徒家語作穰字子從秦人唐開元二十七年從祀又唐贈北衛伯宋贈上邽侯

先賢石作蜀

家語作石子蜀字子明秦人唐開元二十七年從祀又唐贈石邑伯宋贈成紀侯

先賢公夏首

家語首作守字子乘魯人唐開元二十七年從祀又宋補贈鉅平侯

卷之四

二十七

先賢后處

字子里家語作石處字里之齊人唐開元二十七年從祀又唐贈營邱伯宋贈膠東侯

先賢奚容蒧

字子皙家語作奚蒧字子偕衛人唐開元二十七年從祀又唐贈下邳伯宋贈濟陽侯

先賢顏祖

家語作顏相字子襄魯人唐開元二十七年從祀又唐贈臨邑伯宋贈富陽侯

先賢句井疆 字子疆衛人唐開元二十七年從祀

又唐贈淇陽伯宋贈滏陽侯

先賢秦祖 字子南秦人唐開元二十七年從祀

又唐贈少梁伯宋贈鄆城侯

先賢縣成 字子橫史記字子祺魯人唐開元二

十七年從祀又唐贈鉅野伯宋贈武

城侯

先賢公祖句茲家語作公祖茲字子之魯人唐開元

二十七年從祀又唐贈期思伯宋贈

卷之四

二十八

即墨侯

先賢燕伋 字子思家語名級石室圖曰秦人一

曰魯人唐開元二十七年從祀又唐

贈漁陽伯宋贈汧源侯

先賢樂欬 字子聲魯人家語作樂欣唐開元二

十七年從祀又唐贈昌平伯宋贈建

城侯

先賢狄黑 字子皙衛人唐開元二十七年從祀

又唐贈臨濟伯宋贈林慮侯

先賢孔忠

字子蔑孔子兄孟皮之子家語作孔

弗唐開元二十七年從祀又唐贈汶

陽伯宋贈鄆城侯

先賢公西蒧

字子尚史記字子上魯人唐開元二

十七年從祀又唐贈祝阿伯宋贈徐

城侯

先賢顏之僕

字子叔魯人唐開元二十七年從祀

又唐贈東武伯宋贈冤句侯

先賢施之常

字子恒魯人唐開元二十七年從祀

卷之四

二十九

又唐贈乘氏伯宋贈臨濮侯

先賢申枏

字子周魯人家語作申績史記作申

黨唐開元二十七年從祀又唐贈魯

伯宋贈文登侯

先賢左邱明

中都人魯太師唐貞觀二十一年以

經師從祀明嘉靖九年稱先儒崇禎

十五年改稱先賢又唐贈瑕邱伯改

中都侯

先賢秦冉

字子開唐開元二十七年從祀明嘉

靖九年罷清雍正二年復祀又唐贈

彭衙伯宋贈新息侯

先賢公明儀 武城人清咸豐二年從祀

先賢公都子 孟子門人清雍正二年從祀又宋贈

平陰伯

先賢公孫丑 孟子門人清雍正二年從祀又宋贈

壽光伯

先賢張載 字子厚宋長安人世稱橫渠先生謚

曰明封鄆伯淳祐元年從祀改先賢

卷之四

三十

明天啟二年置博士

先賢程頤 字正叔謚曰正世稱伊川先生明道

弟封伊陽伯淳祐元年從祀元加洛

國公明改先賢景泰六年置博士

東廡先儒

先儒公羊高 子夏弟子齊人傳春秋唐貞觀二十

一年從祀

先儒伏勝 字子賤濟南人秦博士傳尚書唐貞

觀二十一年從祀清置鄒平博士

先儒毛亨

年無考受詩於荀卿以授毛萇按史

記楚考烈王二十五年荀卿廢居蘭

陵距漢興三十二年太平御覽引毛

詩正義云荀卿授漢人魯國毛亨則

是秦漢間人清同治二年從祀

先儒孔安國

字子國孔子十一世孫漢武帝時爲

博士侍中唐貞觀二十一年從祀

先儒毛萇

楚人受大毛公亨詩爲河間獻王博

士世稱小毛公唐貞觀二十一年從

卷之四

三十一

祀

先賢杜子春

河南緱氏人漢哀帝時受周官於劉

歆唐貞觀二十一年從祀

先儒鄭玄

字康成北海高密人漢獻帝時以大

司農徵唐貞觀二十一年從祀宋封

高密伯明嘉靖九年改祀於鄉清雍

正二年復祀

先儒諸葛亮

字孔明漢南陽人封武鄉侯謚忠武

清雍正二年從祀

先儒王通

字仲淹隋時教授河汾門人私謚曰文中子明嘉靖九年從祀

先儒韓愈

字退之唐南陽人謚文宋封昌黎伯元豐七年從祀

先儒胡瑗

字翼之宋海陵人謚文明嘉靖九年從祀

先儒韓琦

字稚圭宋安陽人清咸豐二年從祀

先儒楊時

字中立宋將樂人謚文靖明宏治八年從祀

先儒謝良佐

字顯道上蔡人清道光二十九年從祀

先儒尹焞

字彥明宋洛人賜號和靖處士清雍正二年從祀

先儒胡安國

字康侯宋崇安人謚文定追封建伯侯明正統二年從祀

先儒李侗

字愿仲宋劍浦人明萬歷四十二年從祀阜平縣志作隆慶六年從祀

先儒呂祖謙

字伯恭宋萊州人謚成改忠亮封開

卷之四



封伯景定二年從祀

先儒袁燮

字和叔宋鄞縣人謚正獻清同治七年從祀

先儒黃幹

字直卿宋閩縣人謚文肅清雍正二年從祀

先儒輔廣

字漢卿號潛庵宋慶源人

先儒何基

字子恭宋金華人謚文定清雍正二年從祀

先儒文天祥

字宋瑞廬陵人清道光二十三年從祀

卷之四

三十三

祀阜平縣志作道光二十六年從祀

先儒王柏

字會之宋金華人謚文憲清雍正二年從祀

先儒劉因

字夢吉元保定容城人謚文靖

先儒陳澔

字可大都昌平人元時註禮清雍正二年從祀

先儒方孝孺

明儒字希直寧海人清同治二年從祀

先儒薛瑄

字德温山西河津人謚文清隆慶五年從祀

年從祀

先儒胡居仁

字叔心餘干人謚文敬萬歷十二年

從祀

先儒羅欽順

字允升泰和人謚文莊清雍正二年

從祀

先儒呂柟

字仲木高陵人清同治二年從祀

先儒劉宗周

字起東山陰人清道光二年從祀

先儒孫奇逢

字啟泰容城人清道光八年從祀

先儒黃宗羲

字太冲明末餘姚人著宋元學案等

卷之四

三十四

書

先儒張履祥

字考夫一字念芝桐鄉縣人清同治

十年從祀

先儒陸隴其

字稼書清平湖人四川道試監察御

史謚清獻雍正二年從祀

先儒張伯行

河南蘭儀縣人清禮部尚書謚清恪

光緒四年從祀

先儒湯斌

號潛庵河南睢州人清尚書謚文正

道光三年從祀

先儒顏元 字習齋博野人民國八年從祀

西廡先儒

先儒穀梁赤 一名激字元始魯人子夏弟子傳春

秋唐貞觀二十一年從祀

先儒高堂生 字伯秦末漢初魯人漢禮經博士唐

貞觀二十一年從祀

先儒董仲舒 漢廣川人元至順元年從祀

先儒劉德 漢景帝子封河間獻王清光緒三年

從祀

卷之四

三十五

先儒后倉 字近君東海郟人校禮曲臺號后曲

臺記漢宣帝時爲博士明嘉靖九年

從祀

先儒許慎 字叔重汝南邵陵人漢桓帝時官南

閣祭酒清光緒二年從祀

先儒趙岐 字邠鄉漢長陵人著有孟子章句

先儒范甯 字武子鄆陵人晉中書侍郎豫章太

守著穀梁集解唐貞觀二十一年從

祀明嘉靖九年改祀於鄉清雍正二

年復祀

先儒陸贄

字敬輿唐嘉興入官中書侍郎同平章事謚宣清道光六年從祀

先儒范冲淹

字希文宋吳縣人宋仁宗時參政宣撫使謚文正清康熙五十四年從祀

先儒歐陽修

字永叔宋廬陵人官參政謚文忠明嘉靖九年從祀

先儒司馬光

字君實宋夏縣涑水鄉人官尚書左僕射謚文正封溫國公配享哲宗咸

卷之四

三十六

淳三年從祀

先儒游酢

字定夫宋建陽人與兄醇同事二程字與叔宋藍田人光緒乙未入祀

先儒羅從彥

字仲素宋南劍人謚文質學者稱豫章先生明萬曆四十二年從祀阜平

縣志作隆慶六年從祀

先儒李綱

字伯紀宋邵武人清咸豐元年從祀字敬夫宋綿竹人謚宣景定二年從

祀

先儒張栻

先儒陸九淵 字子靜宋金谿人謚文安世稱象山

先生明嘉靖九年從祀

先儒陳淳 字安卿宋漳州龍谿人清雍正二年

從祀

先儒真德秀 字景元後改景希宋浦城人謚文忠

世稱西山先生明封浦城伯正統二

年從祀阜平縣志作正統四年從祀

先儒蔡沈 字仲默宋建陽人謚文正明封崇安

伯正統二年從祀

卷之四

三十七

先儒魏了翁 字華父宋浦江人謚文靖清雍正二

年從祀

先儒趙復 字仁甫德安人宋末講授太極書院

以端平二年至北庭當列元儒之首

清雍正二年從祀

先儒金履祥 字吉父蘭谿人謚文安元大德七年

卒年七十二清雍正二年從祀

先儒陸秀夫 字君實宋鹽城人清咸豐八年從祀

先儒許衡 字仲平河內人元集賢學士國子監

祭酒謚文正封魏國公皇慶二年從祀

先儒吳澄

字幼清崇仁人謚文正明正統八年從祀嘉靖九年罷清乾隆二年復祀

先儒許謙

字益之元金華人金仁山弟子世稱白雲先生不仕元清雍正二年從祀

先儒曹端

字月川明澠池人清咸豐十年從祀

先儒陳獻章

字公甫明新會人萬歷十二年從祀

先儒蔡清

字介夫明晉江人清雍正二年從祀

卷之四

三十八

先儒王守仁

字伯安明餘姚人謚文成萬歷十二年從祀

先儒呂坤

字新吾明寧陵人清道光六年從祀

先儒黃道周

字幼安明漳州鎮海人清道光五年從祀

先儒王夫之

字而農明末衡陽人學者稱船山先生

先儒陸世儀

字道威太倉州人明亡隱居學者稱桴亭先生清光緒二年從祀

先儒顧炎武 字寧人明末崑山人其學以朱爲主

先儒李璠 直隸省蠡縣人民國八年從祀

按兩廡先儒木主從祀次序山東通志及各縣志皆不同茲採威縣志從民國三年祀孔典禮惟顏李二先生係民國八年從祀故祀孔典禮未載

崇聖祠正位

肇聖王木金父公

裕聖王祈父公

詒聖王防叔公

卷之四

三十九

昌聖王伯夏公

啟聖王叔梁公

按明嘉靖九年大成殿後立啟聖祠祀叔梁公清雍正元年詔封孔子先世王爵合祀五代更名啟

聖祠爲崇聖祠 節錄威縣志

東配

先賢孔氏孟皮字伯尼孔子兄清咸豐七年配享

先賢顏氏 名無繇字路顏淵父唐贈杞伯開元

二十七年從祀兩廡宋改曲阜侯元

加杞國公謚文裕明嘉靖九年配享

先賢孔氏

名鯉字伯魚子思父宋淳寧中加泗

水侯咸淳二年祀兩廡明嘉靖九年

配享

西配

先賢曾氏

名點字子皙曾子父唐贈宿伯從祀

兩廡宋改萊蕪伯明嘉靖九年配享

先賢孟孫氏

名激字宜公孟子父元延祐三年封

邾國公明嘉靖九年配享

卷之四

四十

東廡先儒

先儒周氏

名輔成宋周濂溪父明萬歷二十三

年從祀

先儒程氏

名珦字伯温宋二程子父明嘉靖九

年從祀

先儒蔡氏

名元定字秀通宋察仲默父謚文節

明嘉靖九年從祀

西廡先儒

先儒張氏

名迪宋張橫渠父清雍正二年從祀



先儒朱氏

名松字喬年宋朱元晦父明嘉靖九

年從祀

右木主

禮器陳設儀

至聖陳設

舊用籩十豆十光緒三十年禮部奏添籩二豆

二爲十二籩十二豆

正殿

制帛一爵三登一簋二籩二  
籩十二爵三豆十二牛一羊一豕

一罇

卷之四

四十一

東配

各二壇每壇制帛一爵三簋二  
西劔二籩八豆八羊一豕一罇東

西各

東哲

各一壇每壇制帛六爵三簋一  
西劔一籩四豆四羊一豕一罇東

西各

東廡

各二壇每壇制帛一爵三簋一  
西劔一籩四豕一羊一罇各一籩一

崇聖祠陳設

舊用羊一豕一籩八豆八光緒三十三年加牛

一籩二豆二爲十籩十豆

正位五壇

制帛五爵各三簋二牛一豕一籩二  
籩十爵各三豆十牛一豕一羊劔

一 罇

東	配	各一壇	每壇制帛二	爵三	簋一	簋一
西	籩	四壇	每壇制帛一	豕一	罇共一	罇一
東	從祀	各一壇	每壇制帛二	爵三	簋一	簋一
西	籩	四壇	每壇制帛一	豕一	罇共一	罇一

右禮器

光緒三十三年

先師升大祀文廟丁祭文

維某年歲次某月 朔越 日

某皇帝遣某官致祭於

至聖先師孔子之神曰聖由天縱緬萬世師表之尊

卷之四

四十二

道協時中繼三代明倫之治學校徧乎鄉國秩

祀著在彝章仰維

先師孔子教範古今德彌宇宙達天盡性淵源集羣

聖之成守道尊經文軌洽大同之盛稽崇儒之

鉅典先朝久重明禋擴興學之鴻規懿訓特升

上祀風聲所樹承矩矱於三雍教澤無垠擴甄

陶於百氏大義炳如日月馨香永以春秋於戲

玉振金聲億代猶存夫愾慕麟祥鳳德八方莫

外於尊親文治恢昭苾芬歆格以

復聖顏子

宗聖曾子

述聖子思子

亞聖孟子配尚

饗

樂舞

舊制六佾專用文舞光緒三十三年改爲八佾

漆用武舞

武舞生執干戚春祭用暖帽秋祭用涼帽貼金銅

卷之四

四十三

頂服紅色小葵花袍繪葵花無補與文舞生服紅

色葵花補袍補繪葵花者不同著青布朝靴繫綠

綢帶均與文舞生同

樂器

麾

以絳繒爲之用以麾樂之起止

鳳簫

簫

笛

笙

塤

箎

琴

瑟

鐘

磬

鼓

拊

祝

敔

樂章

春祭夾鐘爲官倍應鐘起調秋祭南呂爲官仲呂起調

迎神樂奏昭平之章

無舞

大哉孔子先覺先知與天地參萬世之師祥徵麟

紱韻答金絲日月既揭乾坤清夷

初獻樂奏咸平之章

有舞

予懷明德玉振金聲生民未有展也大成俎豆千

古春秋上丁清酒既載其香始升

亞獻樂奏秩平之章

有舞

式禮莫愆升堂再獻饗協鼓鏞誠孚壘獻肅肅雝

雝譽髦斯彥禮陶樂淑相觀而善

終獻樂奏敘平之章

有舞

自古在昔先民有作皮弁祭菜於論斯樂惟天牖

卷之四

四十四

民惟聖時若彛倫攸敘至今木鐸

徹饌樂奏懿平之章

無舞

先師有言祭則受福四海鬯宮疇敢不肅禮成告

徹母疏母瀆樂所自生中原有菽

送神樂奏德平之章

無舞

鳧繹峩峩洙泗洋洋景行行止流澤無疆聿昭祀

事祀事孔明化我蒸民育我膠庠

學額

歲科各取儒童十二名武童十二名廩膳增廣生各

二十名二歲貢一人

永樂舊志生員二十名社學四所社師四名生員六十七名

自清光緒末年停科舉興學堂一般學者惟以學校畢業爲進身之階而生員貢舉之名泯矣  
書院義學

崇文書院在崇文鄉以冉子嘗寓此故建久廢

聚奎書院在城東南隅收駿臺下明萬歷間知縣談  
自省建今廢

清泉書屋在城東南隅成賢街道光九年按察使李  
暨知縣梁永康創建計大門一座講堂三間額曰樂

卷之四

四十五

育東西號舍各三間內大廳三間套房一間東西號  
舍各三間廚房一間小耳房二間二門一座屏門一  
座按察使李撰文記事見藝文

李固義學房三間地四十畝晉商馬姓兄弟捐置

廿里舖  
三家店

化村義學共房十四間知縣談自省建今

廢並

本城義學舊在文昌閣東後寓爲訓導宅學廢道光  
七年移於文廟前官房仍無生徒邑令梁永康修  
整之延師招童蒙肄業計房九間

義學地二頃二十一畝二分知縣蔡廷甲置

一買溫中極地七十三畝坐落小白佛頭

一買馮琬地一頃四十八畝二分坐落白佛頭

按義學地畝自塾師領種後官不復為稽查至

道光七年春覆行勘丈據舊塾師及各佃戶呈

出地十一段數目雖符坐落已非舊境矣今就

呈出地畝段落科步開列於後

長方地一段坐落小白佛頭村內係義學屋基  
南北長二十七步一尺東西濶七步計地七分

九釐  
三毫

階陸地一段坐落小白佛頭村北初級南北長  
科六十七步東西橫科南橫二十七步北橫二

卷之四

四十六

十六步一尺次級南北長科十九步四尺東西  
橫科二十三步上級南北長科四十步東西橫

計地十畝七分七釐四毫共

拐角地一段坐落小白佛頭村北短股南北長  
科八步三尺東西橫科四十二步長股南北長

一尺北橫四十一步四尺二股共計地三十五步

畝四分二釐六毫

階級地一段坐落小白佛頭村北初級南北長  
科六步東西橫科八步三尺次級南北長科一

百八十五步一尺東西橫科南橫二十六步東  
橫十九步二尺土級南北長科二百二十步東

西橫科八步二尺三級共計

長方地一段坐落小白佛頭村北東西長科六  
十三步二尺南北橫科東橫六步西橫五步三

尺七寸計地一畝  
五分五釐一毫

長方地一段坐落小白佛頭村北南北長科一  
百五十六步東西橫科南橫三十八步三尺四  
寸北橫三十六步三尺八寸計

勾股地一段坐落小白佛頭村北短股南北長  
科八十五步二尺東西橫科九步一尺二寸長  
股南北長科一百五十五步三尺東西橫科南橫  
科十步一尺五寸北橫十步三尺八寸二股共

計地九畝八  
分九釐六毫

長方地一段坐落小白佛頭村北南北長科一  
百三十九步東西橫科南橫二十六步二尺八  
寸北橫二十四步一尺八寸

計地十四畝七分四釐六毫  
長方地一段坐落小白佛頭村北南北長科五  
十八步四尺東西橫科南橫八步二尺北橫八

卷之四

四十七

步一尺七寸計地  
二畝五釐二毫

半圭地一段坐落小白佛頭村東西北南北取中  
長科一百八十九步二尺東西橫科南橫七步  
北橫九步三尺計

階陸地一段坐落馬家窪地多沙嫌上級上截  
南北長科九步東西橫科十四步四尺上級下  
截南北長科一百二十五步二尺東西橫科南

橫二十步二尺北橫二十二步二尺次級上截  
南北長科三十步二尺東西橫科十三步次級  
下截南北長科九十五步東西橫科二十七步  
二尺下級南北長科七十九步東西橫科  
七步其計地二十六畝五分三釐四毫

以上總共地二頃二十一畝二分七釐二毫

杜華先曰余讀令甲至廣勵學官未嘗不三嘆云土

之有師辟金在鎔方圓惟所鑄之厥任非細學校賢士所關士習不端而能善爲吏者未之前聞冠氏故椎甚近郁郁然起豈鄒魯之間爛於文詞自天性哉然賢者青雲自致不肖者至不貲省把持吏長短大冠如箕爲蠶尾以令於國也學官起家措大身取精自食何暇論於繩墨之外則曰是固然耳且若何夫士有諭若訓如女之保傅然豈可令未嫻厥訓而學爲婦耶且今上數逮貪吏斬以頑廉何如先清士習蚤豫教以俟他日吾甚爲師儒望之也

卷之四

四十八

學堂

城內官立高等小學堂 在城東南隅成賢街東首即前時之清泉書院按志乘清泉書院爲清知縣升任按察使李文耕於道光九年同知縣梁永康捐資勅建計講堂書舍三十餘間以爲冠人士藏修息游之所後因教匪破城焚燒縣署而縣署即移於書院書院遂移於錢氏家祠至光緒七年知縣韓光鼎勅建考棚清泉書院遂移於其內光緒二十八年欽逢明詔改習新學以激發忠愛開通知慧爲宗旨知縣



丁兆德於二十九年將清泉書院改爲官立高等小學堂就其隙地添建瓦房三十間連舊有共六十九間內分禮堂講堂藏書室飯廳浴所內外體操場暨教員管理員學生堂役各住室及大門二門垣墻照壁四圍置以槐柳等樹規模宏敞煥然一新共用料京錢六千三百緡皆捐廉支發當即分訂章程延請中文算學各教員考取內班學生二十名外班學生十四名次年春初開學課程悉遵定章分修身經學國文歷史地理算學格致圖畫體操等科復捐廉購備經史政藝圖志及時務切要諸書共一百三十餘種分存學堂以資考證堂內設學董併管理員經管全堂事務堂役二名供奔走灑掃司閽等役歲需經費銀九百四十餘兩除生息地租儘數開支不敷之項由縣捐補

河北官立高等小學堂 在中興集即以前之樂育書院按樂育書院咸豐初知縣李咸中捐廉創建同治十一年知縣韓光鼎集資重修稟蒙撫部院頒發業精於勤四字匾額至光緒三十年知縣丁兆德改

爲官立高等小學堂酌加修葺延請中文算學各教員考取內班學生十名外班學生六名教科課程及一切規制悉與城內小學堂同歲需經費銀四百五十餘兩由縣捐發

城內官立師範研究所 附設高等小學堂之內知縣丁兆德於光緒三十一年開辦分延教員學董並管理員考取內班學生十名外班學生三名教科課程亦與高等小學堂同歲需經費銀四百五十餘兩由縣捐廉

卷之四

五十

城內勸學公所 在北平街知縣丁兆德於光緒三十三年開辦延派總董分董各一員一切事宜均照定章辦理歲需經費銀二百兩由縣捐發

河北勸學分所 在中興集同於光緒三十二年開辦延分董一員一切事宜亦遵定章辦理歲需經費由學董自行籌備

城內官立簡易科初等小學堂四 一在文明街一在成賢街一在東昇街龍神廟一在西成街清真寺均係知縣丁兆德於光緒三十年開辦分延教習學

董共學生五十二名課程分讀書識字講字習字算學修身體操等科歲需經費合銀一百四十兩由縣捐發

四鄉官立簡易科初等小學堂十四 分設文鄉之斜店梁堂山鄉之桑阿鎮賈鎮白塔集王六莊呂莊魏辛莊清鄉之清水鎮王段村博鄉之蘭沃集及河北之中興集梨園屯小里固等處知縣丁兆德署知縣豫咸於光緒三十三年先後開辦各延派教習學董共學生二百零八名教科課程與城內初

卷之四

五十一

等小學堂同歲需經費共銀三百六十餘兩除生息地租而外計不敷銀一百七十餘兩由縣捐廉補發城內官立半日學堂三 一在西成街一在南安街一在北平街署知縣豫咸實任知縣丁兆德於光緒三十一年先後開辦分延教習共學生四十五名課程較簡易科初等小學少修身一科餘悉與同年歲需經費共合銀二百兩有奇由縣捐發

四鄉官立初等小學堂四 分設文鄉之蘆村山鄉之葦園呂莊博鄉之東十里舖光緒三十二年知縣

丁兆德依次開辦各延教習並選學董及管理員共學生六十四名課程分修身讀經講經中國文字算學歷史地理格致體操等科歲需經費共合銀二百七十餘兩由縣捐發

四鄉公立蒙養學堂二十四 分設文鄉之東史村前唐固後唐固北盤地元莊旺莊山鄉之謝家海魏辛莊趙莊李趙莊白塔集張貨營清鄉之王莊趙固村王羨村張固王孝村八里莊博鄉之張八寨白管屯馬莊許辛村梁辛村宋村等處光緒三十二年知

卷之四

五十二

縣丁兆德次第開辦各延派教習學董共學生二百八十一名課程分讀書講書識字講字習字算學等科歲需經費共合銀七百九十餘兩皆由各學董自行籌備

巡警學堂 在文廟東偏光緒三十一年十二月署知縣豫咸開辦延巡弁教習一員招學生二十名課程分體操槍操警察律例等科定章三月畢業次年初夏爲各學生應行畢業之期知縣丁兆德察看程度太低稟請總局暫緩畢業一面汰劣留優添招讀

書明理之人仍足二十名之額督同教習分科教授  
並酌定賞罰章程以示勸懲歲需操衣操帽及口糧  
薪水共一千二三百金由縣捐廉發給

以上各學堂  
採清光緒三

十三年  
鄉土志

### 近代教育

吾冠學制分廟學時代及書院義學時代茲自清光  
緒末年迄今其中逐次變遷改進不一畧分叙於後  
教育局之組織及變遷

沿革 清光緒三十二年設勸學所主管人稱縣

### 卷之四

五十三

視學宣統二年仍稱勸學所縣視學改稱勸學總  
董有勸學員若干人民國元年因之二年四月改  
稱視學員公所主管人稱縣視學三年改稱視學  
公所分區查學者曰區視學主管人稱縣視學員  
四年因之五年五月改稱勸學所主管人稱勸學  
員長分區查學者曰勸學員十二月改勸學員長  
爲勸學所所長分區查學者仍稱勸學員六年至  
十一年因之十二年十月由勸學所改組爲教育  
局當時局長一人縣視學一人教育委員五人文

牘會計各一人局內附有董事會十三年十月縣視學添爲二人教育委員減爲四人至十七年十二月局內組織係局長一人縣視學改稱縣督學二人教育委員五人事務員二人董事會取消改組教育經費委員會十八年二月縣督學減爲一人六月教育委員減爲三人事務員增至三人十九年一月教育委員添爲四人其他仍舊至十九年度終同二十年八月教育委員復減爲三人重新將全縣劃成三學區分別視察十二月又按照

卷之四

五十四

自治區分配一二三自治區爲第一學區四五六自治區爲第二學區七八九自治區爲第三學區並於是時遵照廳令局內人員分課辦事務員改稱課員教育局長兼第一課課長下置課員二人縣督學兼第二課課長下置課員一人並有錄事一人至二十一年按照全縣自治區分爲九學區仍由教育委員三人分別視察二十二年一月奉令裁局改稱冠縣縣政府第五科局長崔克勳改稱科長科內職員除會計員隸屬教育經費委

員會課員改稱科員外其餘職員名稱仍舊一切公文率用縣政府名義直接承辦惟科長兼任教育經費委員會主任委員及山東省政府教育廳視察員遇有關於教育經費事宜概用主任委員名義直接呈上令下

歷任主管教育人員名稱及任期 清光緒三十二年興學之初即有通令各縣設勸學所至三十三年始催辦成立內部主要職員稱爲縣視學申書諫以高小教員兼縣視學宣統二年縣視學改

卷之四

五十五

稱勸學總董申書諫任期四年管榮鼎接充勸學總董旋改爲勸學員長任期二年范肇基於宣統末年接任勸學員長一年所內勸學員及書記等職均未照章添置至民國元年秋後宋尚德接任勸學員長內部組織始有職員二年四月改稱縣視學公所勸學員長改稱縣視學勸學員改稱區視學至民國四年六月杜春萱接任縣視學五年五月改稱勸學員長十二月改稱勸學所所長任期七年至十年十一月潘玉瑄接任勸學所所長

至十二年改任教育局長任期四年至十六年郭  
躋堂接任教育局長任期一年半至十八年二月  
崔克勳接任教育局長至二十二年一月改稱冠  
縣縣政府第五科科长

### 教育經費

來源 民國十二年前經費來源爲地畝附捐教  
育基金生息學田及廟產地租十三年增契尾附  
捐十七年增祀孔費十八年增辛集棉斗捐花生  
附捐中興區及財政局補助費全境及河北棉捐

## 卷之四

## 五十六

### 與牲畜屠宰附捐

比較 民國十五年前教育經費均按制錢征收  
折合銀洋難得確數十六年度爲一萬二千八百  
一十六元七角十七年度爲一萬一千二百三十  
八元七角十八年度爲一萬九千九百二十二元  
九角十九年度爲二萬零五百二十二元二十年  
度爲三萬一千二百七十元二十一年度爲三萬  
一千六百三十元

保管及稽核辦法 民國十二年前有清釐學務



欸產員負責保管欸項支出由縣知事查核十二年十月改由董事會負責十七年十二月改組教育經費委員會十八年前收支概無單據教育機關僅具領狀及領簿呈請縣府查核批由管欸人支給自十八年度起教育機關收支欸項除領簿外均有單據可查教育經費委員會按月開會實行稽核分期榜示

支配情形 民國十七年度前學校經費佔百分之六十至七十教育行政費佔百分之十至二十

卷之四

五十七

其他約佔百分之二十十八年度行政費佔百分之一四二學校經費佔百分之五三二七社會教育佔百分之一一二其他佔百分之八八三臨時費佔百分之一二五十九年度行政費佔百分之一三八學校費佔百分五一六九社會教育佔百分之九七其他佔百分之八四七八七臨時費佔百分之一五 六六七二十年度及二十一年度分配情形與十九年度畧同

初等教育

歷年學校分佈情形 第一小學在城內自清光緒二十九年由清泉書院改建而成第二小學在河北千集鎮自光緒三十年成立第三小學在城內自民國三年成立稱第一女子初等小學堂至十八年改稱第三小學第四小學在城東桑阿鎮民國十九年二月成立第五小學在城北清水鎮民國二十一年三月成立至初級小學雖創設於清光緒末年興辦以來多由鄉間自由設立至民國十八年由教育局按照村勢大小學童多寡學校疏密劃定學區有時斟酌情形施行強迫冀得教育平均發展至二十年度發展雖仍未平均然以前畸形弊已減少多矣

學校設備情形 民國十七年前所有初級小學設備方面僅有教室課桌大黑板小黑板有體操場者不過半數至十九年度迄二十一年度添置教員室運動場圖書標本時辰鐘兒童讀物及運動遊戲器具者漸多

歷年學校數學生數畢業生數 本縣初等小學

雖創設於清光緒末年以卷宗湮沒無從查稽茲查得民國元年遞至十二年學校數均各爲五十學生均各爲一千五百名左右惟畢業生數逐年有差元年一百二十四人二年二百三十八人三年三百零八人四年二百四十八人五年三百五十四人六年三百四十五人七年三百二十八人八年三百四十六人九年三百九十一人十年三百六十八人十一年五百五十八人十二年五百九十四人又查得十三年遞至十六年學校數均

卷之四

五十九

各爲六十學生數均各爲一千八百上下惟畢業生數十三年爲五百八十六人十四年爲四百二十五人十五年爲四百十人十六年爲五百九十五人十七年學校數爲七十五學生數爲二千二百四十人畢業生數爲六百八十六人十八年學校數爲八十二學生數爲二千二百六十二人畢業生數爲七百五十四人十九年學校數爲一百二十六學生數爲三千六百三十九人畢業生數爲八百二十三人二十年學校數爲一百四十九

學生數爲四千六百二十一人畢業生數爲五百六十四人二十一年學校數爲一百五十九學生數爲四千九百八十六人畢業生數爲六百七十二人二十二年上半年學校數爲一百六十九學生數爲五千零六百三十人

教師待遇 民國十七年初小教員月薪僅四元上下十八年二月增至四元至五元十一月令各設學村莊每月補助各該村教員三元此時教員月薪爲七元至八元十九年度因之至二十年度

卷之四

六十

城內初小教員月薪最高額爲十三元鄉村初小教員月薪最高額爲十三元二十一年度城內初小教員月薪最高者爲十四元鄉村初小教員月薪與二十年度同

師範教育

學校沿革 民國元二年設單級分所三年改爲小學教員講習所四年停辦五年設師範講習所至六年停辦八年復設師範講習所十年停辦十二年復設師範講習所一班十五年停辦十七年

度辦短期訓練班二次二十一年冬復辦師範講習所一班招生五十餘人二年畢業所址在本城文廟內是年夏即着手經營改建大成門爲教室東西兩廡爲學生寢室鄉賢祠名宦祠忠義祠爲職教員住室折除節孝祠木材改建傳達室三間常年經費爲二千七百八十八元

學校行政概況 單級及師範主持行政者僅所長一人短期訓練班主持行政者在正副主任及訓育教務事務三部分別負責進行

卷之四

六十一

學校教職員資格 單級師範講習所教職員多

山東省垣單級總所及師範本科畢業短期訓練班教職員除中等學校畢業者外有縣黨部委員及公安局官佐

學校經費 單級分所係六個月速成班其經費每班不過紋銀六七百兩師範講習所常年經費不過一千三四百元至短期訓練班僅有學員膳費及書籍費兩次共支經費六百五十元

師資數及服務情形 師範講習所自民國十五

年迄今永未續辦以前單級分所畢業者七十二人小學教員講習所畢業者四十人師範講習所畢業者一百二十一人共計二百三十三人畢業之後充任初級教員熱心教育者固有其人乃以薪俸廉薄他就者亦屬不少

#### 社會教育

民衆教育館 館址在城內布市街自民國二十年十一月合併冠縣公立圖書館通俗講演所添民衆體育場而成館長下有職員七人內分事務

#### 卷之四

六十二

部講演部推廣部圖書部體育部各部設主任分別負責進行常年經費二千四百元其沿革先是民國五年成立通俗圖書館一處八年成立通俗講演所一處十八年成立河北于集講演分所一處民衆閱報所四處民衆學校二十八處私立新劇社一處十九年度講演所附設代寫書信處一處至經費之支配十九年度圖書館五百十六元講演所九百零六元民衆學校六百元閱報所四處附設於圖書館講演所及教育局內均不另外

開支先是圖書館館址初在北大街後移布市街及縣署街或佔用官舍或賃用民房均不合適自民國十九年冬就城內古樓大事改建落成後圖書館即遷於此地址較爲適中圖書亦較前增益良多

識字運動 民國十八年二月曾舉行識字運動宣傳週一次在城開會後各機關職員並赴鄉講演十八十九年度舉行市民大會講演識字重要古物文獻之保存 縣城南關廟內木箱中有顯

卷之四

六十三

揚聖教論一書約數百冊年代甚久現由南關首事保存城內北街古樓後有萬斤鐘明萬歷二年製高八尺上鑄字跡重一萬斤現由該街街長保存城北王段村有周代先賢冉子仲弓墓墓前建立冉子祠城西北元莊有魏武帝妃郭氏塚明崇禎十二年立碑記於塚前均由該村首事保存孔廟內古碑由教育局負責保存

貸費 附津貼及旅費

貸費沿革 自清光緒三十二年創建學校以來

風氣未開各處肄業學生均係官費其名稱謂之津貼赴外投考學生及參觀人員多有補助謂之川資旅費人民國後民知向學各處裁減官費僅京城省垣等處學生以距家較遠每求川資旅費或因貧寒要求津貼至十二年規定貸費辦法額數規定國內國立大學四人農工商各專門三人國外留學二人十八年添師範生貸費十九年取消截至十九年度止領貸費者則爲國立及已立案之私立大學職業學校及高中二年級以上學生

卷之四

六十四

生

貸費辦法 清末及民國初年教育經費操自縣長各學生津貼旅費概由縣長發給屆時學生呈請縣長批由學欸支領或由縣長逕寄某校收取十二年至十七年教育經費獨立各學生貸費及旅費均歸董事會審查後由教育局會計處支領自十八年迄今學生請領貸費須遵照規定妥立借據經經費委員會審查確係貧苦合格者方准支領



貸費數及貸費生數 民國十二年前津貼旅費概由縣長發給人無定數津貼多寡亦無標準每年津貼約在五百元上下至十二年董事會成立後學生津貼貸費旅費均由教育局支領始得存局備查茲查得十二年津貼數三百九十元旅費二十五元領津貼者七人支旅費者一人十三年津貼數三百四十元貸費數京錢一百二十吊旅費五十元領津貼者六人領貸費者二人支旅費者二人十四年津貼數二百四十元貸費數京錢

卷之四

六十五

一百八十吊旅費京錢四百八十吊領津貼者六人領貸費者四人支旅費者六人十五年津貼數京錢三百六十吊貸費數京錢三百八十吊旅費數京錢七百二十吊領津貼者一人領貸費者六人支旅費者七人十六年津貼數八十元貸費數一百二十四元旅費數八十八元五角領津貼者一人領貸費者五人支旅費者五人十七年津貼數八十元貸費一百一十元零四角旅費數八十八元五角領津貼者一人領貸費者五人支旅費

者五人十八年上半年貸費數二十二元領貸費者一人十八年度津貼數十元零五角貸費數九十元零三角旅費數一百四十七元七角領津貼者一人領貸費者六人領旅費者十人十九年度貸費數三百三十元旅費數三十元領貸費者六人領旅費者一人二十年度旅費數爲六十元領旅費者二人貸費數爲三百九十元領貸費者七人

按舊志學校一項首敘學宮先聖先賢紀載詳明

卷之四

六十六

而次及於書院社學幾若薪傳而後有道統聖功而外無學問匹夫爲百世師一言爲天下法志學者以孔教爲依歸天將木鐸歷千古而斯文不喪而士子窮經皓首咕嗶經義帖括遂爲毓俊進身之階章句訓詁已破碎大道而無餘沿及滿清文風愈敝八比詩賦名擅專家競雕琢於排偶費評章於推敲文體纖弱大遜漢唐不惟去道愈遠且巴里下曲亦非盛世元音光緒末葉鑒於詞章之學敝精神於無用乃毅然廢科舉興學堂濟濟多

士始注力於歐美科學開館育才中西並課且班級學員半爲科第文秀故一時校風尙留有先賢渠箋迨民國初建士風丕變莘莘學子羣有革新理想學說競逐文體變更大江橫決一瀉千里甚而縱橫排鼻流於滅裂怪誕而不自知自黨國初建奠定大功半出於青年書生治術源於學術蘄新文潮澎湃萬丈刮垢磨光前代之腐文陳言爲之煎洗殆盡此吾國之文化沿革也蕞爾冠風氣閉塞泥守儒術尙值科舉時代不乏力學深造之

卷之四

六十七

士而詞壇馳騁阨於繩尺每致潦倒場屋坐困青氈際茲新學肇興又以淺嘗輒止落人後塵富厚者心怯於簞笈貧乏者力絀於薪膏中道而廢老大無成因而專門人才寥若晨星斯亦吾邑之憾事所可幸者士風敦篤自古迄今藏修遊息多質直氣無儂薄習雖國勢阨危異學爭鳴而菁菁棫樸猶有園橋餘韻故此續志仍以學校殿學宮觀仲尼廟堂諸生以時習禮其家低徊留之而不能去其悠然有遐思乎